



Aqqalu C. Jerimiassen

UKA 2022/82

Atassut

08. november 2022

Namineq kissatiginngisaminnik meerartaarsinnaanngitsut Qallunaat Nunaanni IVF aamma ICSI-mik ikiorserneqarsinnaanngorlugit angalanermullu, najugaqarnermut, misissortinnermut aammalu ikiorserneqarnermut aningaasartuutit peqqinnissaqarfimmiit akilerneqartarnissaannik neqerooruteqartoqartalernissaa pillugu Naalakkersuisut peqquneqarnissaanik Inatsisartunut aalajangiiffigissatut siunnersuut. Tamatumani siunertaralugu namineq kissatiginngisamik meerartaarsinnaanngitsut ilaqutariinnut inuiaqatigiinnullu iluaqutaasussamik nuannaarutaasussamillu meerartaarsinnaanngornissaat.

(Inatsisartunut Ilaasortaq Anna Wangenheim, Demokraatit)

Namminneq pisuussutiginnngisaminnik meerartaarsinnaannginnermik eqqungaasimasut immikkut peqqinnissaqarfitsinnit ikiorneqartalernissaat pisussaaffiinnassaaq eqqortoq.

Soorlumi siunnersuuteqartup namineq saqqummiussissummini taareeraa, kissatiginngisamik meerartaarsinnaannginneq WHO-mit nappaatitut nalunaarsorneqarsimavoq.

Inersimasut kikkungaluarnersut, meeraqalerusukkaluarlutik taamannak eqqungaasimasut, naak meeqqamut asanninnermik anaanaq ataatalu tunniussinnaasaanik naammattumik peqaraluarlutik eqqungaasimasut isiginnngitsuusaaginnangassaanngillat.

Taamatut naatsunnguamik Atassummiit oqaaseqarluta, siunnersuut Ilaqutariinnermut Peqqissutimullu ataatsimiitsitaliamut innersuupparput.